

曹州府曹縣志卷之十三

人物志中

歷代名賢

李誠曹州人秉之祖父也少失怙恃寬厚謹飭慕德尚義從兄某當役遠方誠慨然曰吾兄親老豈可遠行以貽親憂卽白於有司請代其行元李劬勸族人多避地遠徙誠集鄉兵極力保障鄉人德之

李思孝父母俱老家貧傭作以養及卒廬墓三年朝夕哭泣正德庚辰河決侵其墓鄉人勸還不從棲墓頂累日不食縣官親詣墓所給以粟帛仍爲立坊以表

曹縣志

卷十二 人物

一

其門

廖文貴田村人洪武初任工部營繕主事有能名以言役事謫戍太甯卒時子興甫十歲賴中表李春鞠之改姓李興性好施與有貧不能償所負者輒焚其券有喪不能舉者給以棺斂江西賈楊彥成負錢若干質以女遣歸不責其償同邑蔡嫗老無所依收養於家終其身正統初大饑流民孫士能等數百逋聚於曹哭聲振野興憐之出糧賑贍有司恐其爲患將驅出境興曰官府懼流民爲患而驅逐之是也然以數十百瀕死之民驅之出境必死無疑矣有司爲之少

緩遂給以褚幣使詣闕陳情俱得占籍繇是存活者
千餘家歲時伏臘相率來祝曹人傳誦以爲美談
孔希禎字士祥盤庚村人宣聖五十六代孫仕元晉甯
路教授母老歸養洪武初以儒士舉有詩上當道云
正當報主勤勞日爭奈奉親喜懼時累辭不允授河
南涉縣教諭擢工部屯田司主事所著有芻蕘集
王麒字子麒茂之子學博行醇士林推重洪武初以儒
士舉同舉者數百人陛見品隲爲第二欽授國子祭
酒後改山西按察司僉事弟麟字子麟以明經舉任
翰林院應奉改隴州學正兄弟俱工於詩文

曹縣志

卷十二

人物

二

武從字行之舉賢良方正授宜陽知縣耿潔孤高聲稱
藉藉坐忤當道指罷去尋卒

陳秀實舉文學擢監察御史糾覈非法不避權要

李溫監生任知州以廉幹聞超陞福建按察司副使政
理刑清閩人重之

閻濟春墓人監生歷事天財庫勤慎廉幹授戶部主事
朱恒黃堙人通詩書二經長於詞賦曹士多師之恥干
謁卒老於家

張溥劉莊人通經詩兼治易禮旁涉子史善屬文不干
仕進有司禮之

孔註字文伯希禎從子永樂辛卯鄉舉授刑部山西司
主事折獄明允轉兵部職方司旋改武選遷戶部郎
中公正廉慎有能名陞陝西布政司叅政
孔誠註之弟治詩經百家子史無不淹貫一邑人無老
少賢愚皆知爲孔先生也永樂宣德間有司屢薦皆
以母老固辭不就

王瀚字朝宗黃堍人永樂辛卯鄉舉擢山西道御史巡
莊浪行部至一邑或言其地僻有妖瀚叱之是夜有
蛇入殺之遂絕

劉衡字執中板城人永樂丁酉解元授六合知縣心術

曹縣志

卷十二

人物

三

純正學問該博有古君子風

朱忠字子忠丁榮人永樂癸卯鄉舉任臨漳縣學訓導
五經俱通大義歸閑鄉里學者宗之

王蘭字惟馨麒麟之孫爲諸生有聲會其師逮獄蘭曰師
若不救何以自立於天地間乃毅然自代其辜因降
吏後官巡檢邑李冢宰曰王惟馨古君子也能爲人
所不能爲天必有厚報者願以女妻其子蘭曰田舍
翁敢與公卿伉儷哉李以階秩三臺不如陰隲兩字
遂以女妻其子珣珣舉進士累官右副都御史珣七
子四舉進士蘭以子貴累贈右副都御史

李秉字執中大黃人生於永樂戊子六歲而孤年十三遊邑庠從訓導羅溥受尚書宣德乙卯領鄉薦第一明年成進士觀政刑部除福建延平府推官治才精敏軍弊一清擢都察院經歷期年丁內艱服闋授戶部山西司主事奉命查宣府軍田悉出豪右占種給軍屯不再起科丁卯監淮安商稅部檄加歲額謂額過重必鈔貴鈔貴必物賤民何以堪卒從輕額運司故多積弊有事已發而不解數百人往勘其奸并獲僞印十顆經年繫部一朝盡釋之己巳還京授雲南司郎中景泰二年用司空金濂薦陞都察院右僉都

曹縣志

卷十二

人物

四

御史叅贊宣府軍務是時寇擾田荒疏請銀三萬兩買牛種給軍民秋償其值許之親經其事秋大稔軍民皆足是年改提督軍務盡心屯種厚積邊儲於是揀選官軍汰其老懦教以戰陣之法繇是軍聲大振在宣府四年凡利害興革纖悉畢舉其重大邊務仍條十二款奏之曰設武學以蓄將材恤孤老以寬仁政增衣糧以恤貧寒減縣治以汰冗員汰冗食以節邊儲專守臣以固城池責典守以革奸弊防外使以杜奸謀停造作以安人心修城池以防剽掠均田土以息爭端貨官鹽以益邊餉上悉允而行之是秋病

乞代不許詔一子視疾乙亥夏以秩滿錫詔命封父
母祖父母如其官天順改元詔罷各處巡撫三十員
致仕而畱用四員特敕巡撫應天等處先是蘇松諸
郡勸民出粟備荒科法不平民甚苦之巡歷知其弊
秋收於輕田量增耗米轉輸外積出羨餘以備荒歉
遂停出粟之勸事濟而不擾民甚感之會御史李周
六人欲分俸養親章上不謹處具疏論救言者糾
其方命取還京師會時復設巡撫乃受敕巡撫大同
並敕炤籍編土兵以增軍實奏以邊鄙之民雜役浩
繁豈可拘赤籍盡編爲兵止選強壯貳千人從之未

曹縣志

卷十二

人物

五

幾坐累罷歸又二年吏部以南院石璞老病請推代
上曰舊僉都御史李某爲民在家着馳驛來陞見立
授南臺懃辭不允甲申廷臣以宣府近三輔舉撫其
地上念久勞在外進右副都御史賜寶鏹敕行甫二
月科道交章又以憲臺乏人才堪大用遂取還理臺
事紀綱爲之一肅成化丙戌上軫邊務廢弛思練達
望重往飭以原官提督大同宣府薊州遼東四鎮軍
務賜白金寶鈔綵段四表裏時朝議砌遼垣下勘奏
曰自山海抵朝鮮中鳳凰山界綿亘數千里徒勞敝
無所成且聞之禦敵之方惟在選將練兵謹烽堠嚴

號令而已恃險非上計也寢之東方既定按行宣大
還臺加太子少保賜麟服羊酒廕一子錦衣百戶先
是王翱卒冢宰缺廷推多官上曰待李某迴來說至
是冢宰之命下矣丙子理部事銓衡人物急於薦賢
士大夫才望擬奏如恐不及刑部郎中何喬新擬陞
叅政未允越數日復擬浙憲副未允越數日又擬閩
憲副同事以一月三擬難之曰薦賢果當雖十擬何
嫌又以天下庶職不稱皆繇監生雜冗待次久多負
欠故厲民取償懲貪頑莫如清根本乃設身言書判
四事有三爲上二爲中四無一者冠帶還鄉同事莫

肯僉署乃具白頭題本取上旨而行之選遵法行到
今不廢同事既愧悔倡爲拂衆鼓怨於下遂切齒謀
逐之給事蕭彥莊劾奏上詔落宮銜以原官致仕明
日陞辭單騎就道翰林陳鑒追送以詩天下誦之初
爲彥莊所誣六館之士暨舉子赴禮闈皆投卷願不
試以贖及聞薄責乃罷未幾布政邳陵亦以彥莊誣
五上章乞理遂同下獄彥莊屈服士大夫快焉秉賦
性休休有古大臣風剔歷中外十餘年用賢去佞言
無隱情其巡撫邊方以愛民養士爲本功在社稷未
嘗自言其伐故雖身居極品自處嘗如韋布屢遭謗

退角巾于于如長放山林者國家有事朝召而夕至
未嘗以難為辭與親舊徒步往來未嘗登車振轡以
示嚴貴家居數年言官屢薦翰林學士陳音等亦累
章起公詔進光祿大夫大臣忌其方鯁竟不起年八
十二終訃聞上為震悼賜祭遣營葬諡襄敏鄉人思
之祀於學宮明以八股取士談制菝者皆稱王唐不
知成宏以前實以襄敏為宗蓋公之文章為勳業所
掩云生平著作有公餘雜咏江南雜咏雲中奏議歸
田等集子五人聰明睿知慧各有傳

鄒魯曰公賦性寬裕立心剛正不計利害不避怨
謗長於用人且知兵然疾惡太甚人固有以中之

曹縣志

卷十二 人物

七

云魯來曹訪士夫稽傳記以公立身行事大似寇
萊公而量則過之因刪其傳如此
郭萬象曰吾自燥髮讀本朝大政諸紀即知有襄
敏李公私心竊嚮往之今幸官其地諏訪遺跡因
得都御史邑人王公珣之年譜蘇州太守番易邛
公霽之大傳大學士雒陽劉公健之墓誌銘暨大
學士東海徐公溥之神道碑嗚呼史傳為失詳矣
雖然去世未遠近居若此其甚不有作者前人其
奚傳焉用是稍加銓次載諸邑乘俾觀風
者有所採焉是不佞私淑之所惡容已矣

李木字時升田村人景泰甲戌進士拜禮科給事中繩
糾得體輿論稱之陞尚寶司丞持節封秦魯二王成
化改元命祝山川之神陞本司卿復持節封唐王屬
元日內出錦衣賜之兵部及科道交請點闡皇城四
門守衛軍木言舊制凡點闡守衛本司給與五衛銅

符於各門比驗相同方辯真僞今欲混點恐小人乘間僨事大不便上可其奏賜以皇明御製及貞觀治要歐陽文忠公集資治通鑒綱目等書木性友愛舉先人遺產悉讓其弟之子炘焜而又念兄子輝蚤孤撫養如己子里中至今義之累官至南京光祿寺卿卒於官後賜葬子煒蘇州府通判

李仁字天爵西隅人景泰庚午舉人授邵武令七年以巡按魏潮薦改知永清政蹟愈著行取赴部授山西道御史後曹吉祥反論事忤權貴復調深澤縣秩滿加六品俸仍理縣事尋致仕歸

曹縣志

卷十二

人物

八

戴冕字從周東隅人景泰癸酉鄉舉授陝西韓城訓導改大名府學陞河南汝陽教諭所至律人以正學者尊之

朱瀚字文浩忠之子宏治間以歲貢授文安縣知縣到任未及浹旬三奏水災上遣重臣踏勘月餘免馬徭一半百姓賴之爲立碑建祠至今猶存亡何爲大京兆蘭公所中因調平谷兩邑之民有攀轅而留者有遮道而迎者瀚不聽竟致政歸蕭然如一寒士後巨盜劉六七擁衆過曹思其遺愛望閭而叩戒母鹵掠一境賴以安全

蔚資字天錫英賢人監生知山西定襄縣其地賦繁民苦徵迫爲緩期歲饑發粟賑之多所全活其政專務德化號爲蔚佛子及去繪像祀之改授陝西都司斷事有疑獄經數年按之立辨居家孝友性好學至老不倦縉紳多出其門

王珣字德潤茂之五代孫成化己丑進士授太康知縣調繁信陽事就理擢南京四川道御史行部蘇松時例獲盜三百名陞四品俸下獄者至數十人按其非實多平反曰吾不能殺人求進也陞湖州府知府以賦則不均爲民病爲均賦法巡按彭韶見而是之以

曹縣志

卷十二 人物

九

不便世家事終阻然其地原定賦則有多寡而本色折色有輕重爲定例均輸之民甚便宏治癸丑陞河南叅政轉本司布政旋陞都察院右副都御史巡撫甯夏以甯夏孤懸河北而境土狹小當先守後戰議濬賀蘭山渠以廣屯田奏行之辛酉以武功進陞通議大夫壬戌以病請致仕章再上得馳驛還珣嘗陳甯夏十事備邊六事應議八事皆見允迺太康辯呂聰之寃河南得鄒河殺人狀湖州定均輸請蠲俸以濟水災縣孝豐以靖反側皆政之卓卓者且天性孝友居憂時墓木自扶而起巡撫考績例得廕不與已

子而與兄璉之孫倓以酬其教養之恩人益重之湖
有去思碑並祠甯夏亦如之正德十二年賜葬祭所
著有邊備奏稿邊務奏稿各十卷應議奏稿南野詩
稿各二卷今入鄉賢祠

錢達道曰夫人之情豔慕仕進欲一蹴而躋崇階者類以巧詆爲奇無復顧冤獄矣王德潤按吾蘇時獨不欲枉三尺以草菅其民而求遷擢也惠哉其仁乎考其居憂扶墓木而起之則孝之徵也惟仁與孝植立本根斯智勇功伐從茲出矣

李智字文鑒秉之子成化戊子鄉舉六試禮闈不售甲
辰試天官第一拔灤州知州灤畿甸之地爲東南水
澤民貧而多盜甫下車開誠布公杜絕私謁飭吏嚴

曹縣志

卷十二 人物

十

不少假借課農桑扶窮困尤加意學校俗日變灤人
相傳百年以來未有也旋改澤州其政俱如灤士民
愛猶父母舊有宗藩爲梗智外示以恭內主以直捕
其私役無狀者數人寘於法卒畏重之尋陞右軍都
督府經歷二州之民相率赴闕願畱爲守時大學士
焦芳南陽人奪守其郡益自勵治化大行爲河南七
郡稱首時逆瑾專國唐藩奪富民田萬餘倚瑾爲援
覆實斷歸其主忤瑾意遂乞休章再上得允進階三
品灤有去思碑南陽祀於邵杜祠

錢達道曰古所稱不畏強禦蓋其難哉其必秉重權爲世推轂者乎下而州郡守制於伏櫪何能自

伸迺李文鑿抗宗藩而剪其豪悍藐中貴而褫其
侵田致當時斂手退避可謂耿耿風節哉卒以功
名終而禍莫我及且廟食一方追
跡邵杜庶幾無負於先世也已

傅鴻字翔起東隅人當土木之變一切軍興大司農取
辦無措乃會大司馬合辭請無論士民許納粟入監
讀書以濟軍需事下郡國事創起率觀望少應者鴻
鄉較增廣生甚有聲貲在中上慨然曰此國何等時
卽靡太學顧獨無臣子同仇誼乎且安庸家爲也乃
首起應詔援例以風來者鴻旣出觀望者始相率出
應司農部歲所得以鉅萬計至今不乏鴻實始之故
曰事欲濟需賢義然而後來應例者與鴻指殆相遠

曹縣志

卷十二 人物

十一

矣鴻之賢在國家如此其後五世孫蘊能世其家聲
詳見選舉志

石巍字民望安樂人少英敏十六補邑諸生成化辛卯
舉鄉試第一辛丑中王華榜進士授行人封蜀卻其
白鏹文錦之賜還改工部都水司主事以議灤河工
轉兵部武選司上安邊六事得敕封時李孜省橫甚
連章六十人劾之藁出其手孜省銜之會其私人爲
椽吏因竊敕命左遷爲永州府通判孜省敗陞甯國
府同知歲大侵軍士乏糧出俸鍰給之惠政最多後
入名宦祠凡三載陞蘇州府知府未及卒初在淝陽

明先生以年家子來謁爲說乾知大始本旨曰知乃乾元初開之竅物皆資之爲始在人則先天一點真知也王大悟繇是講學專以擴充良知爲本曰良知乃格物之體格物不過致良知之功蓋浙學實始此矣性至孝以母早喪抱終天之恨時外王母靳孀居家涼告父迎養終其身雲中白倉官避亂攜室投單陳公不遇而客於別墅夫婦相繼歿有遺女撫之爲擇配李茂才時女孫適張兩奩不能並舉各半遣焉曰彼誠倚我何異視焉曹經播遷俗多鄙樸而文公家禮與昭代多不合乃遠酌禮經近依律例書成曹

曹縣志

卷十二 人物

十二

人便之一變而爲文獻之邦集禮功也王祭酒爲諸生時督學楊公朗亟許第一後西巡畢乃示王曹縣石某國士無雙王徒步七百里叩門來晤時庚寅十月也因同讀書新驛寺中明年省試榜放果解元而王第二王先成進士探花去庚子晤王燕邸語以某先達罷深咎時命慰以命好德不好王侯同腐草德好命不好賢聖任窮夭以爲何如而蔡介夫從傍亟歎以爲名言易顏淵二字書齋中矣當時門下講學日益衆然餽遺不行者有舉束修爲誨之說者曰孔子道德高須誠而進吾直訓誥遺文愧無以衣食來

學容可比與友知不可奪戲餽以雪一輿笑受之繇是齋頭雪水嘗滿學者因稱雪齋先生陽明與鄒東廓書曰幼承嚴命還泐訪雪齋先生冷貌古心誨諭勤勤待如子弟前輩長厚若此未三十年此風已不可復得門下到彼可訪其家學遺業東廓巡視曹學告之以文略曰集禮經之遺旨轉曹俗之鈞闡乾知之秘密闢澗學之門余猥視山左之學政兮敬過里闈不獲爲先生之見知兮疇知迷津平生著述有小學家禮周易論語集旨學者稱雪齋四集奉命出使有西行紀在武選有劾奸疏其在蜀咏月蟾光不管

曹縣志

卷十二

人物

十三

人南北一似金門待漏圓驛館逢生曰西川作客八千里東魯思親十二時皆忠孝所發言無浮績雖河衝城壞家藏不全而流傳故老學徒皆一世有用文章云卒年四十二

王道字貴中畱莊人其先居南京句容避亂遷於曹成化庚子鄉舉五試禮闈不第宏治丙辰授山西石州知州其地臨山土瘠賦繁素稱難治多方處之俗遂變屬歲荒募流民復業者數千性廉潔常祿外秋毫無取旋以疾請辭民遮道擁畱至不能行尋起改易州陞衢州府同知操修益勵致仕歸立碑龜山之陽

嘉靖改元覃恩進階中順大夫戊子追尊禮成進階
亞中大夫

江能字大用少聰穎孝友值鄉試期邑尹舉賓興禮酒
行先權貴子能卽乘間趨出卽以是年領薦三試不
售補邲邑令時逆瑾擅權廖鏜黨中貴而橫行郡縣
能獨據理不爲屈撓邲有粟官張某者攜金鼎內交
其從子能知之乃擲金叱張而杖其子有少卿王某
者髻年登第多倨傲上司額金敕公爲王建坊能曰
勞民傷財吾不爲也原額以還王甚銜之流賊劉六
等率千騎寇邲親冒矢石晝夜巡警遂成痺疾寇平

曹縣志

卷十二

人物

十四

報陞壽州知州及臨行邲民泣送遮道爲崇祠以報
之嗣世以清白著云

王崇儒字伯學珣長子天性純厚專心問學恪守庭訓
與諸弟自相師友宏治乙卯鄉舉七上春官不第諸
弟強之仕乃授徽之婺源令居官公明勤敏扶善鋤
強當道交章薦之俄邁疾乞休

王崇仁字仲安珣次子宏治辛酉鄉舉第三正德戊辰
登進士丁外艱服除授工部營膳司主事時土木繁
興貂璫競爲請托一惟泣之以正上下肅然癸酉盜
起兗豫奉詔討之綜理諸營器具先事備辦兵戢無

譚改刑部山西司大內災應詔陳六事語多觸諱甲戌陞員外改雲南司主覈下獄事多涉權貴皆據法治之乙亥出爲江西按察司僉事宸濠潛蓄異志其妻黨素橫江洋盜倚援公肆剽掠有司不敢問裁以法戮其魁濠欲中傷之餌以重幣辭不受以考績如京師而遠之後人服其先幾辛巳改陝西按察副使奉敕飭兵洮岷因上區畫責事宜當道不用引疾歸所著有錄醜稿今入鄉賢祠

王崇文字叔武珣三子宏治癸丑進士授翰林院庶吉士改戶部主事明敏果斷章奏欲進必經其手歷員

曹縣志

卷十二 人物

十五

外郎中會武宗卽位差承運庫太監王瓚崔果往南京浙江織造奏討長蘆運司官鹽一萬二千引變賣銀兩買辦織造物料時崇文與司屬官李夢錫徐廷用以氣節相尙言於尙書韓文曰今新政之初不可准鹽課織造執奏再上止請與六千引內監憚之正德丁卯擢江西提學副使丁外艱服除改四川仍理學政士風丕變已擢山西叅政濱行生徒泣送出峽在山西有久獄稱冤者辯之得釋壺關盜起將發兵勦之崇文戒勿輕出諭以禍福多解散因擒其首餘悉平宗藩祿米恒私兌吏緣爲奸治其尤者二十餘

人弊遂革父老攜子弟求識其面曰慎重民命立布政以來未有也陞河南右布政民德之謂有先公惠愛風轉陞都察院右副都御史巡撫保定等府兼提督紫荆等關被疾歸所著有兼山遺稿嘉靖間賜葬祭入鄉賢祠

王崇獻字季徵珣第四子也宏治乙卯鄉舉第二丙辰進士選翰林院庶吉士改禮部主事以逆瑾擅權引疾歸瑾銜其避已削籍爲民瑾誅改兵部職方司主事時山東浙江巨寇稱亂條陳六事悉見採用寇平賜白金文綺西北邊患用總制叢公薦屬崇獻往乃

曹縣志

卷十二

人物

十六

先聲搗巢棄馬用步筭無遺策於是沙嶺圍解保定兵亦卻捷聞陞武選司員外尋轉車駕司郎中奉命徵南直浙江驛轉役銀盡革積弊歲餘得銀四十餘萬陞南京尚寶司卿以錢甯專政復引疾去嘉靖戊子用言者薦起南京通政司右叅議未幾晉太常少卿復晉南京太僕寺卿太僕署在滁州罔政久廢乃申明條議二十九款南北官民至今便之癸巳晉左僉都御史巡撫甯夏偶感時事三疏乞休得歸家食三十年屢薦不起扁其堂曰三已所著有孫子釋疑小學撮要禮記擇言雙清詩集韻語拾遺等書入鄉

賢祠

王崇儉字叔度珣第七子和易寬厚與人無競遇人有過失恒曲為之掩且陰誨之勢利聲色一無所染煦煦然若春風之可掬也揆藻摛詞膾炙人口登嘉靖辛丑進士時年五十有二其與宴詩云窮經自愧年華晚耿耿猶存一寸丹又有朝日承恩赴玉華只爭父母在天涯之句其忠孝蓋可見矣會考選庶吉士有達官見其詩翰者謂之曰以君才學宜居上選惜年踰三十若稍減一二其人選必矣公正色曰天下豈有未事君而先欺君者乎達官愈重之時觀政通

曹縣志

卷十二 人物

十七

政司未除官而卒所著有五桂堂稿春秋筆意藏於家

錢達道曰諺云高爵厚祿由於祖先有功德及人者其王中丞之謂乎當其不忍殺以干進也即身為山東望族如伯學之純仲安之介季徵之勳叔度之峻皆克砥礪名行永昌厥宗而叔武之氣節熠熠中外尤諸王中白眉是席報於中丞者如操券而取償矣嗟乎使當時以妄殺求之未必得竟以不殺而巨人彙生日昌大其門闕然則善何負哉於人

尹邦麒字廷祥力學洽聞不能博一第竟以貢授廬州府經歷知州周瑯委署巢印比歸一無所取周嘉之曰不犯清議者惟尹經歷一人而已樸厚善文少與

弟邦麟齊名號聯璧

尹邦麟字廷瑞正德癸酉鄉舉選授鞏昌府成化知縣負才氣爲文雄邁非常善草書筆法遒勁爲曹人字學之宗任成甫十七日屬上官以勢挾之議論不少屈度不可大書歸去來辭擲筆遂歸

徐鵬西隅人早喪父事母以孝聞屬病危焚香祝天願身代旋愈後卒蔬茹三年哀慕不已鄉人稱之女適田增亦以節烈稱

朱紀雲趙人封御史綦之長子幼知孝敬長執父喪廬於墓側晨夕悲號負土者三年上下遠近咸知其孝

曹縣志

卷十二 人物

十八

褒獎之檄不一而足又置義塚分義田立學以成先人之志

王崇智字明夫茂之裔正德丙子鄉舉初擬爲解元主司以經不與同塹第六試銓部第一授河東鹽運副使居官如水甫滿一考飄然致仕栽花教子壽八十終今入鄉賢祠

錢達道曰余觀明夫蓋卓犖不羈之士哉當其困頓公車謂宜再戰以需一第迺舉而棄之若遺及其居官天下所稱財數也甫滿一考飄然解組又舉而避之若浼可謂不入名利之韁鎖矣楊子雲曰古有大臣史逸其名蓋指魯兩生也觀人者無以其功業不概見而少之

張世臣字繼勳元孝子企誠之六代孫個儻務大節正

德己卯鄉舉第三五上禮闈不售授大名府通判駐宣府紫溝堡職專出納兼理刑名倉庾舊有常例痛爲革除芻粟積多士馬咸賴時武弁奸侵邊需且善通關節遂鋤首惡數輩不逞之徒欲謀行刺氣不少阻上官聞之曰張通判以身殉地方其愚不可及也改順德府委修沙河鞏華城時總工者大帥中貴費出無經且競鬻物規利世臣倡言令民間自備應用從之費雖省而釁滋矣遂解組歸葺廬舍得篋皆金珠見銀錢有文知爲鄰人高鵬飛家物還之歲時伏臘及親之忌辰祭以號泣庶幾終身而慕者於企誠

曹縣志

卷十二 人物

十九

爲有光哉

竇瑄字廷璧懷慶府訓導博洽明經曲成後學動必循禮有古君子風居官三載幡然乞休林下灑然風致當道多雅重之

周涸與其弟浙爲商河南還至梁晉口其兄江逆於途賊劉六七卒至欲盡殺之兄弟告賊願畱一人以養母且爭死賊感而釋之先是賊殺曹人甚多涸兄弟素負意氣豪於鄉謀復仇伺間殺二人被傷者數十人賊怒相轉鬪浙與江皆被殺涸獨潰圍出已而還請同死亦殺之

陳策曰傳有之可以死可以無死亦難哉盜殺
以春秋所書申生之義不曰無死可乎周氏兄弟
猝遇盜幸而免焉徒以義氣所激而駢頸以就刃
何居雖然世有耨鋤德色而骨
肉相讐者視此何心哉

戴繼字叔嗣嘉靖己丑進士選刑科給事中時上方勵
精政學每侍經筵丰姿俊雅瞻者起敬上尤重之癸
巳進工科右給事中庶務旁午衆議紛紜嘗以一言
決之是秋轉都給事中上治河十二策納之有中貴
爲其黨樹官封駁不徇以私時冢宰汪鋹陰求附已
啗以美官繼謝絕弗與通且偕料道劾之鋹旣褫職
繼亦去位年方強壯杜門不出監司守令罕見其面

曹縣志

卷十二 人物

二十

保薦三十餘疏竟不出建魯川書院於郭西延河內
大儒婁樞師教學徒鄉邦稱慕學者從遊稱魯川先
生

錢達道曰叔嗣揭英標於講幄布石畫於河流偉
矣第聞其母之妊也夢有異人授以蟠桃已又有
夢開花而中省試再夢結實而中部試公其蟠桃
會中人耶比拜諫垣劾冢宰壯年勇退而一切世
網不以掛諸胸臆若公
者信翩然神仙侶矣

藍瑞字瑁同號信庵壽七袞改稀庵學者因稱稀庵先
生幼而聰敏十歲能文未試經學推重一時嘉靖戊
子舉於鄉以親老不復上春官選河南鹿邑縣知縣
邑劇繁多豪右宣猷敕紀不旬時政聲著邑人稱曰

清天當事者擬破格用會以內艱歸鹿邑人如失怙
恃服除補山西樂平地狹多盜賊賦役繁重歲不及
額得者往往巧營去曰樂平不當有父母耶苟爲父
母不聞擇子而字且國家安用讀書爲也於是裁不
急繕利宜甘苦與共其在額內緩急宜調劑之在額
外者從容而蠲停之上臺雅重之寬文相待居二年
樂平治又一年子向歿且值張孺人訃至遂力告歸
不復有功名之念矣近壠田數十畝宅一區遂絕跡
城市日以明道統課後生爲己務嘉靖丁未水患後
於城隅營一室不蔽風雨府二守黃公至其宅嘆曰

曹縣志

卷十二 人物

二十一

兩仕令尹而所居若此於近世爲希有矣既久於鄉
諸弟子勸爲備警之具乃結一樓僅可容膝與諸生
講讀其中每清宵白晝書聲徹於四鄰往來過而目
之者咸曰清天樓云年踰大耋以氣弱食減不起平
生著述外無別好尤不知酒味晚爲詩在陶韋間所
著有稀庵集藏於家子七人復綦行四性孝友博學
能文以子貴贈中憲大夫克世其業稀庵卒後崇祀
饗宮

張庚字伯星生而穎異十歲能文藉藉有聲嘉靖辛卯
領鄉薦後補陝西褒城令抵任一規畫剔宿蠹重農

桑均水利養老恤貧革東路驛裁該年馬價志漢王之城別子真之谷化行俗變邑治煥然一新無何卒於任有黃陂遺稿三卷

扈永通字一貫朱涵店人嘉靖壬辰會試八名初授中書科舍拾考選兵科給事歷戶工轉兵科都給事時掖庭有變宮人楊金英等十六家法論族誅疏請男女十五以下發功臣爲僕許之所全活甚衆督修園止斥昌支以鉅萬計禁兵多隱占朝受事而伍夕清別奸釐蠹聲赫赫公卿間請謁不行當路氣奪居二年轉南太僕少卿考績晉中憲大夫尋陞光祿寺卿

曹縣志

卷十二 人物

二十二

擢應天府尹倭寇披猖當事者欲借民爲兵曰民出財賦養兵兵冒矢石捍民有相需無相病也且民既供賦又僉兵是二役也況畱京設有各衛之丁餘五城之客戶出尺伍而習專藝兵在此不在彼也因爲經畫制勝方略畱都恃以獲安當事服之癸丑改順天府尹會側目者以憑限過期左遷河南副使尋轉廣東叅政復除河南左右布政清釐藩府祿米出納惟允在汴二年以曾祖母陳太恭人病篤解組歸偕童僕課耕灌園植桑麻一二知交外長吏面弗識也王侍御圻令曹以賦役繁重爲行免役法多所諮訪

今家猶存其語云所著有會溪類藁四卷藏於家

錢達道曰掌封馭之官其危言讜論大都高貴多
忌而怨之京兆前後四轉青瑣袖中彈文成帙咸
怨階也後為高貴中傷左遷宜矣卒之喜怒不形
飄然解組其視平居蟬翼千金而一遇利害卽芥
蒂胸中者
何如哉

路可由字子正嘉靖辛丑進士授行人冊封慶藩又祭
葬衡藩二王餽遺一無所受甲辰選江西道監察御
史監斬楚世子巡京通二倉悉其利弊按南直隸廬
鳳等處風裁峻立徐州王兵憲不飾篋篋論斥之九
載秩滿除保定知府丁內艱服闋補安慶多惠政祀
名宦祠陞山西按察司副使整飭雁門以武功加陞

曹縣志

卷十二 人物

二十三

叅政尋晉右僉都御史巡撫遼東歲大侵具奏蠲免
賑濟軍民全活甚衆會權臣當國遂拂衣歸家居遇
公事輒陳利病邑人賴之所著有遼陽奏議若干卷
燼餘集二卷藏於家

郭鑿字全卿爲諸生時藉藉有聲兵部尙書王西石公
以隨任遊學實出其門下嘉靖間繇歲貢入太學補
涿鹿衛經歷居官冰檠自甘歷七年妻子未嘗抵官
舍時工部奏修盧溝橋命鑿董其役竭心殫慮刻期
報成復委編漕運保甲多權貴人莊田前官俱斂手
莫敢誰何鑿一持以正直無所依回邑有富翁犯重

獄遺金一罌求脫鑿厲色拒曰此物奚宜至我急叱去卒繩之官中蒙欽賞者一部按檄獎者一十有九剛正忤時七年不得遷歸踰年卒

錢達道曰晚近每金注甲科而貢途類瓦注之又大率以遲暮進鮮有能自愛者若全卿卻金一節非此中之矯矯者與其他修橋編保直揮霍餘事耳七年不調以抑鬱終則又天之不可知者是以里中猶至今惜焉

蔡繼先字允孝爲人純樸坦易漁獵羣書尤長詩歌曲由邑庠補太學生文采藉一時當道若毛若張俱器重之授涇陽簿涇陽人多讀律令不嫻詩書教之業儒於是舞文之風衰矣又尙齋會儻有事輒不約而會

曹縣志

卷十二 人物

二十四

萬人卽屢爲禁止莫可誰何從容開諭盡革之醴泉諸生白學禮妻死爲妻族所搆抵以死刑具讞矣詞到簿吏欲從前擬獨心冤之曰一草一木皆天生命何輕死刑乃力排羣議親爲奏文臺臬悟允脫之居涇四載清儉愛民涇人呼爲蔡父歸家無少長咸推以誠內外族黨無不飲其惠者鄉評推重邑侯延鄉飲大賓又十餘年而卒

錢達道曰余嘗登左山讀蔡允孝諸集碑洵翩翩然博雅君子哉迨其佐涇陽也教民不以法律而以詩書不爲異教而爲庸行卽古循吏奚讓焉其最難者以一卑官不泥成案而出大獄於積冤之後可謂造福冥冥哉語曰樹德者昌允孝以之

劉度字惟貞大同府推官悉心訊鞠獄平而民不稱冤
遷邠州知州特察民瘼一時流亡者俱復業後馬市
功成受欽賞未竟所施而卒

朱綱字振甫嘉靖丁未進士初授晉江知縣政績丕著
應召赴京涕泣攀留者數千人建生祠擢陞河南道
御史改湖廣道丙辰奉命按山西興革七事軍民便
之以考最封如其官歷按蘇松廬鳳以泗州祖陵功
成賜白金會歲大饑上遣部使行賑不及齊魯爲特
請全活不可勝計六載考績外補陝西憲副兵備關
南勦平劇盜稍遷四川叅政按察使浙江福建布政

曹縣志

卷十二 人物

二十五

使久之人爲應天府尹陞右副都御史巡撫河南奏
建商邱學校以振士風劾廢逆藩以絕禍本保釐中
土風化大行給誥命未幾以疾疏乞致仕家居杜門
不妄延接三載卒賜葬祭今入鄉賢祠

錢達道曰嘗觀召公甘棠之詠未嘗不掩卷企慕
以爲古人之得民心如此振甫自令累官中丞其
間政績大都以安民爲本迨其去也而攀轅而肖
像真烺烺然甘棠之思哉其不通權貴又介之不
可奪者君子以爲生而
循良死而廟食宜矣

陳瑚字貴卿廉潔剛正以明經領鄉薦第二入南宮七
蹶俛授柘城令以軍稅累民秉公均之爲軍豪陰中
左遷宿松廣文柘民爲立德政碑終於金華別駕後

先宦游十餘年升沈不一而侃侃畏途不習脂韋之態後致仕還家傳觴課子以壽終

王袞字補之崇智季子慷慨雄決孝友出於天性又好客居嘗置酒高會抵掌雄談洒洒如也例授金吾前衛指揮使承世祿餘濟以勤儉遂貲冠一鄉積而能散親朋多被其惠嘉靖間河決灌城多所拯救水後西南城隅積水叢蒞有物為害袞往視乃巨蟒繞身三匝空拳扼其吭而斃之一方驚動嘗念鬻宮傾圮出篋中五千金重新之河工之興又輸粟千石以餉河夫繇是聲譽益著朱大司空衡為建好義彌篤坊

曹縣志

卷十二 人物

以表之年八十考終子孫多賢者今入鄉賢祠

錢達道曰卜式助邊人多難之豈不以其捐之重也顧式以此為媒耳補之一無所為散金助學輸粟助河動以千計何其慕義之深也過式遠矣後長子元登捐地六頃為學田而次子媳劉亦出百金以資泮廡之費可謂不潰乃公家聲者嗟嗟王氏之積德亦厚矣哉昔蘇文忠作三槐堂記以為仁者必有後王氏故事也今其重光焉

徐松年字貞甫博洽善屬文長於詩歌尤善大書曹之懸額題扁多其筆跡有廿一史涉筆及諸遺稿墨蹟藏於家

胡宗沔字繼源萬曆二年以歲貢入太學歷事都察院上疏陳漕運事宜詔下河臣核狀時祭酒太倉王公

雅稱其才以爲國學有人八年詔濬新河自歸德東抵運道延袤二百里計費五百萬金當道聞其諳於河務檄往行視宗沔陳無益狀若指掌當道卽以論報其事遂寢復採宗沔策修築太行堤以裨河防堤成有詔賜金八兩撫按表其門前令王侍御圻爲曹均賦創行條鞭法多所贊成所著有治河辯疑太乙啟憤軍門小補牧民十政平賦規則五集略等書未仕而卒

錢達道曰人之不朽者名樹德者當之曹自伊萊以後其好修者絲聯而繩貫故其名滿竹帛矣嗟嗟君子惟德是據猶懼或失况棄之乎棄德者身危則名辱詩曰有扁斯石履之卑兮其知之矣

曹縣志

卷十二 人物

二十七

石應椿字延齡魏之孫生有異質幼與楊迴路可由齊名楊路成進士發憤下帷家世易乃攻易冬置兩足棉管中夏閉戶隙俾蚊不入凡數歲學成而傳弟子大進王生維翰輩遂成一方文獻云旣久於庠數試不偶會有所迂乃三徙居止青堦青堦瀕河嘉靖乙亥舊學博河內唐公文華以少府受河廳事時青俸口決議築韋樓月堤工役浩繁金錢之筦爲艱乃介一刺以舊師誼而詢之且託綜理答曰某不肖老無所成又重先生憂雖然已不獲克邁前跡奈何以老蠹魚恩金圭之錫爲我謝先生無所辱命使者請所

復書一詩以報之夕陽搖曳隔前村細柳參差不閉
門一榻清風聯杖履閑將耕讀課兒孫自是絕跡不
復與人事矣年五十八終平生著述以河患少存者
李應徵字養晦幼負奇由歲貢授齊河訓導轉德平教
諭兩地諸生被其陶鑄薦賢書登科第先後數十人
性恬退歸家以詩文自娛絕跡公庭棲止儒學後蓬
蓜數椽不蔽風雨錢令公雅重其學品聘修邑乘同
事若干人推以爲冠書成而錢令善之

張兆禎字興甫東隅人頎凝美鬚爲人法服矩步與河
內婁樞爲莫逆交十八補諸生有聲丙子鄉試王侍

曹縣志

卷十二 人物

二十八

御圻令曹預闈中得一卷簡古有本亟冠多士而總
裁以少腴難之王大懍恚顧恬然自若也王尤歎服
久之歲薦授武定訓導餽遺不行學宮禮儀器物多
所釐正未幾罷歸事父母色養備至報喪一如古禮
而哀毀過之曹於是識喪禮焉事祀堂類謁上食有
事必白如事生奉庶母王如其母問遺塾師張樓山
三十年無倦容歿而葬之河廳陳公珊請見固辭服
闋乃往見驩若平生讀書破萬卷每漏下三鼓至老
不輟又長於三禮克踐體之爲古文詩歌法嚴而體
潔上逼漢魏六代以還弗屑也嘗丐邢侍御侗銘母

墓讀其狀畏服以爲西京再見幸寬我以再讀漢書
凡二年始成之不事生產口不道錢帛窮年彌月討
論古文講習禮儀觴咏性情而已門庭蕭然一二知
交外無長物亦無雜賓客曹工詩文不乏而工爲人
無踰之者家近石潭自稱大石潭漁人後學因稱大
石先生年七十有七卒文集藏於家

江宗望字伯英能之孫生而穎異五歲占句輒出意表
稍長從先達藍瑞受尚書問難異常瑞器重之居母
喪哀毀如成人父鯨爲珥筆人訟於郡久不解徒步
造府庭試以文援筆立就守歎賞爲改容偕父立歸

曹縣志

卷十二 人物

二十九

益感奮從藍信庵先生下帷黃堽寺中能旣廉吏無
所遺會家益涼擷菜裹餽攻苦不輟每五日歸省淚
漬衣書間踰年遊邑庠尋以高等餽學宮久之學益
進萬曆初連冠多士前後令長無不側席殊遇王侍
御圻直聲動天下謫令曹尤加敬禮凡民間疾苦邑
大興革必延問可否且曰多識而執禮他人可移如
生者不可移也文廟久敝呈於督學再新之時或舉
節強署牘正色曰手可斷此紙不可押別舉奇節段
田竇氏掾曹以前事恚尼之歎曰天不勝人人終不
能勝天後三氏前後得諭旨旌異人始服其卓當顯

皇帝承平久吏緣爲奸豪強魚肉善柔有友徐生被
讎誣慨然曰吾不直生誰爲直者凡二歲始得釋風
霜勞苦弗恤曹人士每歎息其行誼事繼母陳備極
色養三男一女婚嫁悉取諸己力其田推而不問師
藍老且病省候如子卽榻前以幼妹許聘師季子師
歿三年心喪不解手次其行貞諸石所爲古文博而
有法尤嫺制舉督學直指臺按學宮藝成而巷習紙
爲之貴凡十赴棘闈再獲雋侷失之萬厯乙酉以積
餼上春官厯事偕毛繡衣按行浙東西多所裨益事
還事繼母終乃謁選至京病歸卒少子起元五歲聯

曹縣志

卷十二 人物

三十

對絕工里人稱爲神童及長精舉子業尤長於詩文
中天啟甲子省魁成順治丙戌進士令容城有頌聲
戊子之變著作盡焚雖其人已古矣至今傳其殘編
斷簡如九鼎一鑿猶膾炙人口亦可謂能世其業矣
朱惟肖字子孝都憲綱冢嗣也十六入邑庠試輒高等
餼學宮穎泉鄒公較士省郡以陽明良知之說問多
士無能應者次及生懸悟若夙契鄒大賞謂必以理
學名世歸遂築室靜悟不復萌功名榮祿之念矣嘗
謂學者精以治身緒以治人吾精之未能而違他爲
時厯下湖南書院初建求四方知名士以實之直指

臺特檄取弗應也已而歲薦亦不赴部邑令勸駕笑謝之郡縣令長暨藩臬臺司求一見不可得兵備公三及門一蒼頭謝疾不任客雖僻寂中實淳蓄博洽凡六經子史貝葉道笈象緯堪輿以及陽陰醫卜靡不總究尤精叅同悟真之旨以爲自文始後無的傳淮南鴻寶雜而未粹中壘用而弗效固宜則其所得可知也所著有就正理性達意等錄及還淳雅述等集

王維翰字良卿佩之子也世族好士謙冲猶如韋布嘗受學於石壽庵先生萬厯癸酉補邑庠丙子秋試聲

曹縣志

卷十二 人物

三十一

動闡中歸而博覽強記披誦無間寒暑由是文學聲藉甚錢令聘修邑乘雖多士實一部盡出其手裁自明朝來凡三修志此爲善焉建水東海舍購圖籍數萬卷無不綜究當是時海內鴻博稱最楊用修王元美汪伯玉胡元瑞等數人而止雖顯晦不侔此幾鼎其足矣成令嘗問濟水於學宮諸士唯退揖而進之爲道其狀見經歷曲折凡數百言皆綜核羣籍較水經註詳悉過之成令傾服觀者嘆息甲午得雋已定名次旣而詩經溢額雜抽減之竟列乙榜數奇如此壬寅疾作著述未就而歿無子稿遂散失其圖籍流

播大河南北識者以爲水東佳物珍秘倍之凡十餘年蓄積始盡學者惋惜之

藍秀字文奇棋翁乃自號也籍於三邱里幼負異質莊重卓穎不爲戲弄識者知其不凡及長器度閒遠酷嗜問學入邑庠攻科舉業日程月試屹焉居先大爲官師賞重有一管好筆之譽明道積德九赴棘闈不遇居之泊如鄉邑雅尚其學多遣子弟從遊隨材成就門下補博士弟子員者六七十人居嚴親喪不御暈酒築室塚側獨居三年晚乃隱居別墅絕跡不入城市性嗜棋人無少長賤勢與之對局不佞不侮貞

曹縣志

卷十二

人物

三十二

和一致雖盛寒暑竟日連夕無倦色若陶酒稽琴亦有寄以洩違世之真焉云爾子瑞恪守墨莊肆力畢勞爲世名儒登戊子經魁歷任鹿邑樂平縣令龍章寵錫壽臻耄耄而終

張援字以道東隅人邑庠增廣生其先世籍幽燕元末因避亂南徙於曹遂家焉自始祖至援七世書香不絕援性耿介孝友值河決水至勢不及旋踵必入祠堂抱神主然後走兄弟析產讓美居惡闢義館以教四方之士問業者雲集多所成就施及賢嗣懋載字振海食餼於庠紹衣先德譽望日隆博學洽聞好義

樂施賑饑民還僕女排難息爭砥躬善俗有魯連彥
方之遺詩云教誨爾子式穀似之以道有焉其曾孫
日星府庠生員皋比傳經履充於戶後嗣有人亦積
德之報云

王閻字曲峯雲趙都人布衣也天性孝謹事父生員邦
儒牽牛服賈視膳問寢曲盡其誠父病焚祝願以身
代病應禱而愈恭事胞兄問年踰六旬無異推梨讓
棗時有堂弟閔及聞幼失恃白長兄收養一切飲食
衣履分甘絕少且延師教訓卒補邑庠生仍以己產
一區予爲誦讀之資邑侯新蔡曹公嘉其孝友匾獎

曹縣志

卷十二 人物

三十三

之曰孝友堪垂萬歷四十三年大歉於城隍廟施襖
糲粥以濟饑寒邑侯孟公詳請上臺給以德壽冠帶
仍獎其門曰碩德懿行匾其堂曰齒德兼茂屢飲大
賓享年九十九歲天之所以報施善人者誠不爽也
高尚學字希顏大義人性孝友博學爲邑諸生餼學宮
後入太學父歿廬居三年負土爲墳黃水漲伏墓號
泣適河遶西折而北行人謂孝感邑令暨士大夫有
廬孝迴瀾詩賡和成帙母歿復廬居三年時有白鵲
來巢雉兔馴擾入寢爲伴邑令異之率紳士詣瑩迎
歸贈詩積多名曹南高氏孝思卷隆慶初授鴻臚寺

十侍經筵每嘆講官之未盡也五年出爲內鄉典史
涖任七日革嘗例四百金上臺嘉其清標非常未及
考績思父母廬掛冠歸內鄉爲立去思碑年八十有
二卒所著內鄉集及孝思卷廬孝迴瀾詩藏於家孫
鵬南己卯鄉薦第三名

郭一經字子學鑿之子家世業儒幼讀父書身若不勝
衣與人言訥訥不能出口以病棄舉子業性不嗜飲
至聲色蒲博不知何物不入市井不諳貿易足不及
公門膝不屈官府閉戶讀書寒暑不倦其天性然也
於書無所不窺而六聲四聲尤深入奧窔嘗言前人

曹縣志

卷十二 人物

三十四

呼字止分三聲平上去而已沈約始而有四聲之名
周德清中原音韻平分二義入派三聲始有六聲今
人止知四聲而不知不能包括字音也且精天文歷
數之學云古歷簡易未立差法至東晉虞喜始立歲
差之名說者以爲精密然天運不齊日月星辰之行
度疾徐無常立定差法不能無差反不如隨時占候
修改以合天爲簡切其胸所包羅此可概見由是雖
布衣而名動鄉國邑成令公伯龍梓其字學二正於
學宮俾士無訛音沈相國大端公梓其四書正字於
家塾而蒙無誤字曹令公守勳王令公猷咸敘其揮

塵迂談平入要略俾其子諸生丕振梓之以嘉惠後學而五經正字異類綱常等集藏於家未及板行云萬曆四十一年卒壽八十五歲鳴鳩之詩曰正是四國胡不萬年翁於曹風其無愧矣乎

王元登字子高盤庚人世爲曹冠族蚤負慧遊邑庠餼於學宮世廟初有詔詔天下俊秀入太學以族望家溫應例改太學生久之授東城兵馬司副使時上謁九陵供役浩繁都民不遑奔命輸七白金以代其役滿最轉兩淮運判亡何投劾歸卜築舊隱之西園座上客恒滿也工詩善臨池有得其片楮如獲琳球慷

曹縣志

卷十二

人物

三十五

慨重義氣寓京邸同舍死無所歸以爲已殯里有殺人以二百金營脫去卽以二百遺營者俾情法兩無所斲賦役不均王令公圻行條鞭法有敗者力持之一日慨然於士多貧而調不繼也以負郭田六百餘畝籍入學宮曰庶幾其長有朝夕矣雖居家所交遊遍域中申相時行一再過里以爲吾閱人聲卽不許而實無踰者今而後得士如王君亦云可矣年八十終男三少子士龍尤名能世其業以明經累官至商州刺史

田墾字仲闢少穎異好學設絳帳門下之士通一經遊

鄉庠者五十餘人辛卯領鄉薦署高郵州學正事日勤講課貧不能舉火與婚喪不舉者捐俸以濟之陞江浦令兩京要衝支吾爲艱調停之而民無擾時大旱禱而雨降人謂之至誠感神歸家手一編至老不輟

蔡弼字賚卿重堙人繼先之孫也天性純孝初就小學卽能問安視膳讀書聰穎不羣日誦數百言弱冠通經史諸子尤攻制義爲諸生試輒冠軍領萬厯己卯鄉薦四試禮闈不售念親老不仕奉養晨夕會萬厯庚寅錢邑侯重修邑志商確鑒定多出其手後序載

曹縣志

卷十二 人物

三十六

在藝文及父母相繼終哀毀盡禮釋服授直隸保定府蠡縣知縣初下車問民疾苦裁抑貴戚尤以省徭役作人才爲急務泣任未及三載偶因上臺政令不便於民度不能請輒拂袖歸時宛亭成伯龍作宰深交契之政治之暇相與飲酒賦詩居家惟以墨莊課後人迄今守其訓者蜚聲藝苑繩繩勿絕咸稱爲清白吏子孫焉所著有築巖文集詩稿藏於家

徐篤字墨莊博學能文而尤長於詩歌性嗜酒不事家生業高情逸氣籠罩物表外相之在元亮伯倫無功間而中宏遠矣遊邑庠與錢令相知最深故相從亦

最昵一夕卒哭之哀手次其詩卷敘刊之居忽忽不樂又一歲以擢去曹譚及篤猶惋悼不置云今傳篤墨莊詩草二卷卽錢令所敘以行者

段黼字黃甫父宗儒以勤儉起家稱太學生黃甫五歲孤外侮還至嫡母紀慟憤泣天撫此瑩瑩孤涕泗延師所以督教之者甚力黃甫欲死無地臥薪刺股弱冠稱弟子員已而屢試高等餽學官或者邀天之幸三牲五鼎以報嚴慈而棘闈屢蹶初心之悖戾遂陶情詩酒以傲居諸所作詩文清鮮逸邁酒力居多凡十年餘一夕卒亦酒力居多友人王士龍倅樵李刊

曹縣志

卷十二

人物

三十七

其集若干卷題曰黃甫詩集明其未盡也然而四十終豈非命也哉

藍復綦字子葉號少庵樂平縣令瑞之子也瑞有子七人綦居四瑞嘗曰季子不諳克家然亢吾宗者必綦也綦讀書務心得不屑爲豔辭凡通書西銘律呂之學無不精曉家甚貧數椽茅屋匡坐吟咏怡怡如也事母董孺人菽水承歡色養兼盡嫂李孀老病罔歸以母事之及其歿也含燧之力爲完兄子近似乏嗣形家謂其居宜前卽以所分產讓之兄疾病親侍藥餌籲天願以身代嘗假寐招提夢衣白兒乞援問其

姓曰龐也立驚寤則羣鵲窺白蛇於其砌振腕而脫厥冥感良異焉子近任遊邑庠試輒冠軍張公令愼言特器重之會僦宅當免役吏持牒偕往赴縣一謝聞而責之曰秀才如處子何輕至偃室乎又聞邑侯餽粟數斛怒曰貧者士之常丈夫甯受人憐乎任由是砥礪名節攻苦學問爲理學大儒以進士歷任中憲大夫季子近儀爲諸生有文名終以子貴四錫龍章累贈陝西肅州兵備道副使

石續字士續應椿仲子也少孤兄弟皆幼比成立數經外難家已瓠落兄爲郡從事自以世業儒又父文德

曹縣志

卷十二 人物

三十八

重里中書香可念乃率其弟力功舊書日誦二萬餘言率一日不再忘爲文振筆疾書若不經思而詞旨燦然雖老宿不能易也久之家無書從友人貸習之旣冠遊鄉校學益富凡禮樂文物天官地志古今沿革以及歷象形占旁而點化文字內典丹經莫不總攬淹貫悉其本末嘗構一亭曰咸六學者因稱咸六先生語門弟子曰學通三才而後稱儒道榮四方而後成士吾願學者旣其實也東郡某公歸田後牡丹下時嘖嘖有聲掘得一物有目瑩然不食而息書問孟侯侯以視曰此視肉古帝王葬所物也壙氣見矣

無何某公歿侯因匾其門曰濟陰文獻王中書使琉
球俾其兄請於郡邸爲言海中險彝彼土禮儀風俗
嗜好期年書來無不脗合若身歷也錢郡丞毀淫祀
於堽城壩撤像臂血流一方崩懼錢亦愕眙道經其
地因舊令而晤之執手悵然曰蝙蝠血也胖仲冬搜
得數斗錢愧喜曰微子吾其罔矣其博洽而衷於理
類如此每鄉國大吏有所議學宮衆不能得最後以
片言定之丙午孟侯平賦役多所彖定謂之一串鈴
到今賴之然不事生產家益貧每弟子盈室賓客滿
座而家徒四壁或突無煙講論不輟曰吾豈以貧富

曹縣志

卷十二

人物

三十九

易吾學哉曾參之聲滿天地若出金石庶幾無愧焉
詩歌在柳州端明間古文直逼何李而理過之尤長
於考核陸佃之雜撰未及厥事酈元之詳瞻或疎於
理方此邈矣年五十二卒羣弟子及邑長者私諡曰
貞逸所著有石子庸譚暨貞逸遺稿各若干卷

武圖功字言爾號雲臺從之五代孫丁榮人慷慨有氣
概負經世志爲經生時甚有聲萬厯庚子舉於鄉甲
辰成進士初令滑悉其利弊丙午旱蝗大起齋禱蝗
悉出境不爲災尤善知人宰輔魏公炤乘爲諸生甫
下車卽拔冠多士凡三年去滑人思而祠之又馬城

營一帶數千頃窪下之田每歲被山水沖沒居民苦之乃殺勢下流障山湍於上沖百計圖維力竭心枯而民享數百年之利馬城鄉迄今別有祠在焉再補黃梅治如滑一切興革衷以土宜其最大者築壩捍水梅始長有其利所傳梅山治譜四十餘款梅後人視則之以最陞刑部主事歷員外郎中疏請熱審全活甚衆出守辰州辰五溪舊地密邇貴陽永順間有防兵三千一夕缺餉譁司軍惶急無措挺然出曉以大義衆爲懼服由是威望大著遷辰沅道會熹宗踐祚入覲恩晉中憲大夫尋以撫苗蠻鎮譁卒有濟變

曹縣志

卷十二 人物

四十

才改陝西按察司兵備道副使丁外艱歸天啟壬戌時正人多放逐被議落四級僻處大石潭自號石潭居士日歌詩以著述爲事家居凡四年乙丑赴部補河間判遷刑部郎中因不附黨乞省疏改南刑丁卯熹宗崩自南都星馳如臨哭帝於思善門旋里尋卒後張問達疏復三朝舊臣及圖功贈太僕寺卿有四書及詩書二經兒訓尤長於詩時公安派起海內一變獨力持開元大厯之說所著有白馬集大石潭詩草黃石三百言黃石五百言五岳遊草五岳詩選明詩鼓吹二酉詩草等集藏於家子崑源崙源岷源國

藩各有傳孫枝繁衍皆其德澤所遺云

趙克銳東隅人邑庠生幼而知孝父早喪每遇忌日則垂泣不食自恨不逮生養母病求醫弗效衣不解帶及卒哀毀幾至滅性結廬墓側衣縗啜粥負土獨不離墓所河決陷城平地水幾一丈亦惟據墓頂號哭不肯舍去諸當道屢移檄旌之前令曹公恬爲作三禮說以贈之

張一中安仁人幼業儒因母病求醫弗效焚香禱天願棄儒學醫且醫不責報以祈母生母果愈遂研窮醫理得其精微萬厯初年試輒效邳州濬河役夫數十

曹縣志

卷十二 人物

四十一

萬瘟疫相染半不能起一中不遠數百里攜貲貨藥露居河埂以療羣夫全活甚衆撫按藩臬屢移檄褒嘉勞以金幣皆辭不受曰此豈吾所祈母施藥初心哉人咸稱其孝且義

錢達道曰孝庸行耳曹自翟侯而下則張氏兄弟其尤哉自元迄今何寥寥也往亡論矣曹人士爲余談高鴻臚尙學孝行甚悉殆躡諸君子之芳躅而起者乎特生存例不得書姑以俟諸後

王治甯字際泰擢之子也增廣生博洽能文父早亡事母程曲意承歡母病衣不解帶兩旬禱於神願以己代及卒痛絕復甦水米不入口者累日弔者見其雞骨支床莫不感動及葬廬於墓側日夜哀號期年芝

草產素質墨章衰經宛然邑令張公慎言給以粟米
建家廟立宗約歲時聯屬族中子弟訓迪之年荒輸
穀百石賑救并及貧乏者趙大史爲文以紀之有司
上其純孝詔賜金建坊以旌其閭萬厯庚申卒所著
有芝樓集披素服等編

萬愛民字允濟其先南昌籍祖瑞初自中州學博來居
兗久之父儀始遷曹遂爲曹人與兄俊民同列兗郡
庠旋食餼隆慶丁卯兄俊民先列賢書及萬厯丙子
愛民登亞魁一時聲譽籍甚博學能文尤工詩歌古
文詞六上禮闈不售遂授陝西山陽縣令威勸并著

曹縣志

卷十二 人物

四十二

時開礦稅力辨免之又築石堤增雉堞民歡感趨事
歌而碑之凡四年轉大同府通判分領西路度支運
轉有方軍民悅服未及陞遼東自在州知州軍民赴
院懇畱不果以癸卯春出關涖任治事州居邊徼軍
民雜處百務廢弛至則釐宿弊決疑獄上臺每薦剡
必以爲冠三年上賜璽書褒嘉之尋又整飭學宮振
勵人文是時太保徐公起元得與鄉薦旣而朝鮮兄
弟爭立國人以長臨海王有疾不堪國事共推其弟
光海嗣君當事以愛民才思明敏奏聞命往查覈自
夏徂秋往返三月餘可國人之請事竣陞廣西慶遠

府同知兩院疏畱改加府銜仍知州事時直指熊公
廷弼綜覈守吏奏申甯遠伯開疆祚土事失實又委
查其甌脫邊疆畛域勞勩異常咸謂有不次之擢而
熊終有薏苡疑會臺省孫公居相魏公雲中等力白
迺致歸優游林泉幾二十年當光宗朝蓮妖發難地
方諸役一切以軍興取辦在事者幾不閱厥躬而詭
隨之流有狂疾焉乃獨持正不阿奏記規正都人士
洎四方咸韙之所謂老成典型尚在此歟年八十終
於家葬以一品服使朝鮮時賜也所著有山陽縣志
雲西志各存其地韞玉編朝鮮遊稿等集藏於家仲

曹縣志

卷十二 人物

四十三

子惟樞成進士官刑部主事

李孟晉字以功襄敏公裔也父克立諸生有聲蚤世母
陳與姑張寡守弱子三孟晉居首稍長就外傅穎慧
奇絕旣冠補邑諸生成令伯龍亟爲歎服每指其榜
首謂之曰湯嘉賓才遜余十倍余才遜子又十倍甲
寅餼學宮乙卯以第三名舉於鄉其賢書海內誦之
然性癖好奇博士家言率置不省故四科不第乙丑
罷歸疽發背歿爲人口吃機警多辨揣事前奇中之
好客廣交遊爲諸生試歷下六郡名下士盡識之過
曹者必投款以故座上客無虛晷談必竟夕爲古文

及雜詩歌淵淵有聲能自成家曹雖多士推爲冠矣
死之日一縣黯然若無人焉學者至今猶慨慕之
郭一龍字雲驤世爲曹青堽人幼穎異勤讀強記文譽
日盛推一方宗然試輒不利其門下執經補弟子員
幾半學宮而後以第一入庠序其門下執經列賢書
歲星一周而後戊午以房首舉於鄉再應春官其弟
子成進士復不第家貧乃就養蒙陰學博四年授房
山令丁內艱服除補山西洋縣流賊數殘至則糾合
散流偕紳士力修防禦深廣城濠決漢水環注之役
畢賊復至晝夜攻四十日不下拔舍去饑疲並作設

曹縣志

卷十二

人物

四十四

藥賁粥安靖反側人心稍集乃爲講鄉約嚴保甲弛
積逋平市價革火耗禁賭博親夜巡凡善化保民通
商惠工之政無不力舉輔以赤心樸意與一方相推
置期年洋洞見其父母且愛讓其父母矣二年丙子
以積勞卒於官初人以長於經學或短於政治及爲
洋嘆服始知經術湛於吏治而推誠之足與有爲也
以通經教士爲務著述蓋未暇云

藍近任字仲遜號仁舉三邳人父復綦樂平稀庵公之
孫也生而穎異讀書數行並下甫總角已精舉子業
旁而及於詩詞歌賦靡不通曉補博士弟子員徐學

師煒江南名士也一見決其大成亟稱於邑令張公
慎言曰此紗籠中物也聲由是大噪丁外艱三年不
飲酒不苟葷然家甚貧設絳帳於開元寺中從遊者
百餘人乙卯小試冠軍領鄉薦己未成進士觀夏卿
政授嚴部光宗卽位發帑金二十七萬往餉甘固軍
例差版曹大夫往時因途梗人人規避執政者詢及
公卽毅然受命無難色竣役還烹廟以公爲能辛酉
司雁代儲絕請謁請鹽法請軍需損贖緩償逋賦臺
上其事賜敕褒嘉及爪旋代人祀之祠起自創然公
雖以濂洛爲宗而博通禪學謝時事遊五臺與緇子

曹縣志

卷十二 人物

四十五

談不二之旨善知識者皆嘆爲未有旣抵都以星郎
司白糧庾廉正有方頌聲載道魏璫姪良卿慕其名
將邀飲且曰藍公與我薇垣可得也公嚴拒之璫雖
甚怒不欲首罪一正人以失人心遂以公爲臨洮守
洮守素皆明經任子絕無科甲且逋賦甚多番人屢
變三軍呼庚癸瞑目語難公聞命卽往至則釐其茶
馬諸蠹御番人以法待百姓以恩請於巡方使者奉
旨鼓鑄以兩運相灌輸取給無乏間以其羨償積逋
三萬兩軍足民蘇而無染洮於是頌聲作稱得人矣
備兵使者以苛細卒譁介馬馳勢在騎虎單騎諭之

皆投戈伏馬前曰恩主至矣悉散去後遷去卒挾其
長歎血要盟縱橫不法幾殺府司馬洮人士歎噓曰
藍使君在豈有今日洮士以邊遠不事文學每槐黃
率不赴棘闈修黌宮而課肄之甲子丁卯解元潘光
祖經魁張漢俊出其桃李隴以西翕然家絃誦矣張
公愼言以忤璫戍肅過洮上留居月餘相待過厚及
病親奉藥餌人皆爲公危公笑曰禍福命也璫其奈
我何居洮三年陞肅州兵備副使肅距洮千餘里乃
益西出天末孤懸軍民雜處各以其治治之張公在
戍所時當事者以引嫌勸公公曰丈夫當以節義爲

曹縣志

卷十二

人物

四十六

重安能以區區爲身家計哉情好益篤及張公賜還
衆咸服其雅量是年以內艱歸將理裝資斧無給肅
人憐之衛司馬及叅將各助以金乃得還抵里門柴
毀骨立旣葬三月以哀感過當而卒人謂公十年忠
君今更死孝云卒之日以酒泉邊功晉爵亞中大夫
賜白纓有差公平平生學問無書不讀尤長於皇極律
歷太乙奇門六壬諸書所著有紫府見仁舉文集行
於世卒未幾士民請於上崇祀鄉賢長子庚生歲薦
考授縣丞學問宏博癸丑聘修邑乘纂輯之功爲鉅
季子禎生增貢生孫蔚芝皆庠生克世其業

郭萬象曰藍使君余不及見其嗣君諸生庚生
據傳使君蓋終身邊微云雖然當魏璫弄權不邊
微惡足爲使君勿論丈夫務自見臣子不避難使
當使君之世輕裘緩帶雍容中朝余有以窺使君
矣而使君不中朝而邊微嗚呼其有以也夫又聞
張司寇遣戍時無敢爲居停者而使君獨以舊令
師誼左右安全之則使君終其身不避難人也甯
獨終身邊微哉如是余又烏足以窺藍使君歟

趙孺子慧兒崇禎九年三月其母劉氏傷寒病篤醫藥
不效慧兒哀痛切心聞街頭有割股愈親之說不令
父知持刀割左股一臠爲食以進母食之卽日病愈
一縣嘉其孝行公舉到官知縣霍達獎之曰慧兒年
甫十三便能割股養親孝出天性以視衣冠而不知
孝者相遠何啻天壤匾其門曰至孝天成

曹縣志

卷十二 人物

四十七

趙繩祖字允修黃堽人生甫期年嚴慈相繼終祖亦辭
世祖母單氏命韓乳母撫之相依十五年始獲成立
雖伶仃孤苦而砥躬礪行厥德彌邵性孝友事祖母
問寢視膳無倦容祖母病籲天願以身代因其好施
節儉而儲其餘博濟不匱亦可謂養志者矣居祖母
喪柴毀骨立三年不飲酒不茹葷韓乳母死厚葬之
春秋必祭曰我非乳母無今日也長門子儒貧不能
室爲之娶於盧盧亡撫其孤乳哺而訓教之族人
有橫肆欺陵者受而不報憫其嗣之不振且爲之計安
全焉中表謝姓急難需財產薄不能售鬻塋畔一區

地以貸之赴縣納正供收役誤以三兩爲三錢入銷已畢歸而驗錙知其誤白諸官復納之跡其生平殆孝友篤於親而仁讓施於世者也晚年博極羣書不務進取慕五柳七松之高致寄懷遠引且多治墨莊以課諸子修夜篝燈爰命咿吾諸子勸之息輒然曰吾樂此不爲疲也邑侯霍公達蕭公譽欽其達遵延爲大賓享年七十有八而終子萬化歲進士任江西瑞州府經歷萬民萬程萬邦俱庠生諸孫遊鬻序者數人而貢監從大州同知嘉胤尤稱翹楚曾鉉爲青衿者四十餘人而貢監嶠生員峒不愧白眉說者以

曹縣志

卷十二

人物

四十八

爲積德之報云

袁一康字衷白號雲鶴曹巨族也性奇穎氣度軒豁乃甫十七補博士弟子員廿歲食餼經史淹貫旁及百家韜鈴其緒餘耳緣棘圍屢試未售遂投筆請纓初辦事戎府萬厯壬寅授京營中軍甲辰遷皇城巡視把總是歲覃恩晉明威將軍封二世如其爵丁未奉敕守備河間等處得以都指揮體統行事撫治軍民濟以德威瀛海頌聲迄今嘖嘖未絕值戊申河決歲稔民困遵母命自行疏奏捐粟千石大裨河工蒙旨增秩建坊以褒之賜欽褒忠義四字以題其坊天啟

丁卯陞山東督撫中軍叅將任事一載卽解組歸一
經課子洒然林泉矣一康雖以武功成名帶緩裘輕
人多重其雅量性慷慨樂施輕財貨廣結納有古俠
烈風先時巡視皇城業師郝愛竹濮人也歲薦入都
門卒於邸一康不易生死殮如禮遣使扶歸年饑聞
族人有鬻女者喟然曰旣吾族而忍其鬻女乎輸金
贖之嗣有從堂孫女少失怙恃兄嫂遇之酷乃收養
遣嫁無異已出至修城之役日與霍邑侯經營贊襄
之功居多旬日告竣尤首倡力也會庚辰饑癘交作
多方賑濟乃唱名給粥計口授糧饑民賴以全活至

曹縣志

卷十二

人物

四十九

收哺嬰兒又加軫恤焉時積殍徧野躬率僕荷插瘞
掩以萬計邑人至今咸稱之壽八十有三卒有子二
長曰本澄文華殿中書舍人次曰濤郡庠生皆克大
其業孫枝蕃衍或貢太學或食廩餼紳衿振繩咸謂
德澤所貽云

王正輔字虛衷西隅人時憲從曾孫家世耕讀元末盤
石鎮十八家之一明嘉隆間有半庠之譽幼失怙恃
泣血不能食者累日七歲就鄉塾聞先生說蓼莪便
嗚咽失聲稍長博極羣籍爲文力追先輩舉止言動
無不求合於古人督學梅長公之煥覽其文亟賞之

拔入邑庠前列及見其人嘆爲斗南第一初娶邑人曹柱女賢淑勤儉蘋蘩有託益得專心肆力於學讀書求大意不汲汲於名利先世家資頗豐悉爲伯氏蕩析絕口不道且憫其困躓屢敗屢振之不倦復置田宅以業其季弟承誨崇禎十三年歲歉族人多菜色慨然曰粟帛可再得族人之死者不可復活也悉計口按月授之糧時積殍遍野闔族竟無一人殍於饑幼時同學生狎一私姬正甫屢以大義責之衆慚忿一日潛匿彼姬於別室給正甫入而鍵其外覺大怒排戶出遂與衆絕外氏感存孤恩割附郭千金之

曹縣志

卷十二 人物

五十

產酬辭弗受素寡言笑至大義所激則奮不顧身平生不妄交不苟取口無雌黃跡絕公府邑侯新蔡曹公每過其門而式之曰此高士王孺子之廬也將易簣神氣清明諸子跪請遺囑曰潔而服箝而口篤而親終而畝勿談兵勿耽酒苟得志慎而守而克志吾不朽卒年四十八歲通國悲悼相爲文以誄之私諡曰貞逸子蓋惜其遇不配德云子一較拔貢孝友謙勤守道安貧若將終身焉癸丑邑侯門公聘修縣志趙萬邦字暘谷繩祖第五子少穎異總角能文聲名藉甚督學王公宇奇其才遂以弱冠遊邑庠爲人磊落

慷慨重道誼急然諾動以古道自期不屑屑與時俯仰事兩親以孝聞居喪哀毀如禮破產襄事不責之之諸昆其元配馬氏繼室王氏相繼皆稱賢淑內助有方尤見其刑于焉胞妹適襄敏公孫李諫臣早年稱未亡人有瑤池冰雪之操代撫其家靡不周至族人幼而孤不能糊口者毅然收養之業師馮道泰樸訥人也有奇冤弗伸慨然曰吾不直誰謂直者跋涉千里力懇得釋友人范于廷之子孱弱爲強梁者所魚肉首倡同人力白之官又有張姓者素無半面識因其無辜罹刑捐數金以救之庚辰大侵人相食

曹縣志

卷十二 人物

五十一

賁粥給糧全活甚衆馮羅匠暑月死於疫惡氣不可近旣施以棺仍躬率家僮瘞之他如養嬰兒掩枯骨種種善行難以枚舉眞所謂懋修厥德不求人知者晚年築精舍課諸子長從大貢生仲嘉亂准貢考授同知叔季呈慧呈愉均遊黌序孫枝琳琅多列紳衿積善慶餘良不誣云

徐若敏號文海誠愨孝友廉退有操弱冠食餼於庠屢試不第兄弟四人母病將革囑之曰以祖宅地予最少者旣而諸昆中嘖有異辭乃慨然以已所分者予之地有遺差獨累兒輩或以爲言乃賦棠棣之章以

見意其子感而化之嘗赴棘闈其父予資斧百金恣其揮霍受置書櫃之頂比歸衣履垢敝探其囊索然問其故曰行李不敷曰前金猶不足乎乃俯思良久曰尙在某處取視封識宛然若敏蚤已忘之矣仍出爲公用毫不自私性喜獎誘後學有族弟貧不自給取而教養之卒成名士偶出見有竊取其樹者恐倉皇驚墜笑慰之曰子爲我修樹多削之爲佳歲大稔見鄉莊有麥一困語守者曰何不貸諸餓者鄰里爭取之瞬息顆粒無遺卒亦不索其價介而好施節已裕人至今邑人言前輩長者咸以爲稱首云子州彥

曹縣志

卷十二 人物

五十二

增廣生以文學克振家聲孫列膠庠者五人

傅拱明榆林人儒童與父兄同居辛未荆隆口河決水漲城南拱明居正當其衝幸據高阜但不知父兄所在欲尋之家人勸止不從乃號泣結筏隻身往救竟覆溺死

蔡際可字賓廷重堙人繼先之曾孫弼之子也襟懷坦直才識明敏守墨莊業博學洽聞時譽日富善事父母先意承志母郭孺人卒於蠡縣官署哀毀盡禮援例補太學生大司成深器重之及父卒廬墓三年遇恩例准貢考授鄭藩左長史抵任惟以匡撫主德愛

恤軍民爲急務每取家中田租以給官需一切郡王將軍中尉承襲封號及宗人婚祿皆按期請行無畱難廬江王府役馳馬衝道令旨發司究治事連廬江王王暮夜餽金卻之醫正徐文權爲府寮誣詰招擬將成察其冤力爲審駁卒全其官蒙撫按交薦中有丰采凝然壁立才猷敏若風馳等語擢陞在卽因鄭世子違禁虐民苦諫不聽遂拂袖歸未幾鄭世子爲巡方奏劾人皆服其高蹈遠患不愧董江都焉回籍隱於單父東郊教子課耕霍邑侯重其才行以磚城大工借重督理遂還曹六十四歲終於家子蘭輝俱

曹縣志

卷十二

人物

五十三

廩生蔚邑庠生孫維屏維翰俱廩生維甯庠生從孫纘梁自幼撫育如迺孫學成名立將膺歲薦克世其業

徐步瀛號仙洲世籍曹之安仁里爲邑文學天性孝友八九歲時居鄉夜值盜祖父被執卒不肯避哀號求釋盜異之遂散去黨里驚傳其事母羸病朝夕虔事數年如一日其後母病篤五日不食焚禱願以身代亦爲不食者五日家人勸之食哭泣告曰母食卽食不然終不食也其母是日卽進食少許病漸瘥竟以八十終人咸謂其孝思所感云同胞兄弟五人獨爲

孝養父母不他委祖業悉讓諸弟不取一毫設館教授生徒門弟子雖衆未嘗言及束修族人婚喪未舉者輒勉力助之强悍欺凌者終以恩結之陽城張公愼言時爲邑宰欽其孝友屢舉德行鄉飲大賓復贈詩以表其行誼仲子善繼壬午副榜克大其業季子善述府庠生諸孫多列紳衿皆其盛德所貽云

謝際泰號運昌先世金陵人明初籍曹世積德傳至其父九興耆年卓行歲祲粥賑施豆佐爨邑侯郭公張公皆匾獎今猶可稽泰生而穎卓好讀奇書弱冠入庠小試有聲然數奇屢困棘闈年強仕補鴻臚寺序

曹縣志

卷十二

人物

五十四

班改授布政司理問早失怙事母李以孝聞母歿葬祭盡禮哀痛必出於誠性好施有父風族人貧者必賙之姻喪不能舉者則助之其莊人之負租貧苦不給者悉焚其券不之較常好岐黃之術錄秘方懸肘後每出遊必令僕負藥籠從之所在活人不計利而去人胥德焉謁選京師貴官達者皆喜與遊如邑侯蕭公譽霍公達廣文孝廉李公茂松未泣曹時悉稱最契及任尤敬禮之大抵泰秉性剛直不諧俗尙不畏疆禦至於孤弱無依者偏加軫恤以故人多畏愛之子四人長國胤元配李出早列膠庠次國瑞國璧

國琪繼室侯出泰歿後侯氏恪守遺訓慈而能嚴教子國瑞國璧俱勤苦向學食餼於庠爲邑名士國琪亦入黌序孫枝繁衍識者卜山東氏之福澤正未艾也

武岷源字源靜圖功三子敦倫好禮樂善安仁妙年入庠鄙帖括爲不足事慨然有志於鵝湖鹿洞之學究天人之際窮理欲之原久之霍然有得齊得喪忘人我處朱門若蓬戶視天下爲一家質任自然不爲矯飭每與親故之落魄不偶者問疾苦道寒暄終日不倦庚辰子張聯制同善會以濟衆欣然贊成之一夕

曹縣志

卷十二 人物

五十五

夢有神持小黃旗三標於其戶未幾次子張聯以薦辟除判武昌三子韜中武闡鼎甲榜眼人咸謂二旗已驗其四子官聯城破遇賊掠無完膚猶抱主逃生詩曰孝子不匱永錫爾類殆謂是歟

萬惟檀字子馨號樂園又號明庭愛民從子也家貧早孤性嗜學試輒冠軍遂餼於庠精聲律尤工書法由恩貢授直隸曲陽縣令惠政多端因俵馬缺額降松江府幕視篆華亭政簡刑清仕優卽從陳繼儒先生遊詩詞廣和膾炙人口著有詩餘圖譜南中漫草等集秩滿陞湖廣保康知縣抵任甫三月闖賊李自成

以數十萬騎攻之城陷被執不屈死之妻李氏同死
越數日賊拔砮去長子士燦尋父母屍而掩之及入
山忽爲飄風吹落陡澗中亡妻路氏聞信一慟而絕
妾閭氏抱幼女同赴水死是時主僕男婦死者一十
六口止餘老僕王貴攜幼孫墀寄居民間順治三年
南北大定次子增廣生士傑重繭之楚遄返行三千
里求父母兄嫂屍並得幼子墀扶櫬以歸人皆稱其
孝云

夫死節固千古之美名實人生之大不幸也若萬
氏一門臣死忠子死孝婦死節僕死義生氣凜凜
至今言之猶令人慘然悲肅然起敬焉古人曰甯
甘玉碎不可瓦全萬氏洵不愧哉